



Adresa: **Ul. H. Čemerlića 39A**  
71000 Sarajevo  
<http://www.voda.ba>

tel. +387 33 726 415  
fax. +387 33 726 414  
e – mail: [info@voda.ba](mailto:info@voda.ba)

Broj: UP-1/21-3-40-354-6/23  
Datum: 02.10.2023.

«Agencija za vodno područje rijeke Save» Sarajevo rješavajući po zahtjevu korisnika JKP "Gradina" doo Donji Vakuf za izdavanje vodne dozvole za zahvaćanje vode na izvoru Buget u svrhu vodoopskrbe pitkom vodom potrošača na području općine Donji Vakuf, na osnovu člana 109. stav 1. točka 1. Zakona o vodama («Službene novine Federacije BiH», broj 70/06) i člana 200 stav 1. Zakona o upravnom postupku («Službene novine Federacije BiH», broj 2/98, 48/99 i 61/22), donosi:

### **RJEŠENJE** **o vodnoj dozvoli**

1. Daje se vodna dozvola korisniku JKP "Gradina" doo Donji Vakuf, za zahvaćanje vode na izvoru Buget u količini od cca 30 l/s u svrhu osiguranja potrebnih količina vode za piće stanovništva i privrede općine Donji Vakuf.
2. Zona izvorišta nije određena katastarskom česticom već se sastoji od tri kaptirana izvorišta (Buget I, Buget II i Šandrskovo vrelo) koja se nalaze ispod naselja Prusac, cca 6,5 km južno od grada na koti oko 625 m n.m., ukupne izdašnosti 121 l/s i zahvaćenim kapacitetom od oko 30 l/s.
3. Vodna dozvola se daje na osnovu dostavljene dokumentacije, utvrđenog činjeničnog stanja prilikom vršenja uviđaja i uz slijedeće uvjete:
  - 3.1 Da se vodozahvatni objekt održava u funkcionalnom stanju u skladu sa njegovom prirodom i namjenom, izdanim vodnim aktom i općim aktom o održavanju, korištenju i osmatranju vodnog objekta i postupanju u slučaju kvara ili havarije na objektu na osnovu člana 20. stav 4. Zakona o vodama («Službene novine Federacije BiH», broj 70/06) i Pravilnikom o minimumu sadržaja općeg akta o održavanju, korištenju, promatranju vodnih objekata („Sl. novine Federacije BiH” broj: 97/19).
  - 3.2. Da se u cilju kontrole, evidencije i plaćanja količina zahvaćene vode vrši redovno mjerenje količina zahvaćene vode, a mjerni uređaj stalno održava u ispravnom stanju, odnosno redovno vrši baždarenje mjerača protoka u skladu sa propisima o mjernim uređajima. Mjerenje količina zahvaćene vode osigura atestiranim vodomjerima čije funkcioniranje i točnost se može jednostavno provjeriti. Evidenciju o mjerenjima zahvaćenih količina vode vršiti u skladu sa Pravilnikom o sadržaju i načinu vođenja evidencije i dostavljanje podataka o količinama zahvaćene vode („Službene novine FBiH” br. 83/08).
  - 3.3. Korisnik predmetnog objekta je dužan osigurati stalni i sistemski pregled vode i poduzimati mjere za osiguranje zdravstveno ispravne vode za piće sukladno sa Pravilnikom o zdravstvenoj ispravnosti vode za piće ("Službeni glasnik BiH", 40/10, 43/10, 30/12 i 62/17), te osigurati tehničku ispravnost ugrađene opreme (crpke, vodomjeri, zatvarači, klorinator itd.).
  - 3.4 Kontrolu-ispitivanja kvaliteta vode za potrebe vodoopskrbe vodom za piće stanovništva mogu vršiti ovlaštene laboratorije, u skladu sa članom 48 stav 3. Zakona o vodama.
  - 3.5. Ukoliko se u slučaju redovnih ili izvanrednih analiza i kontrola kvaliteta vode iz ovog vodovodnog sistema utvrdi da ista ne zadovoljava uvjete vode za piće propisane Pravilnikom o zdravstvenoj ispravnosti vode za piće, vodovodni sistem treba isključiti iz

upotrebe odnosno blagovremeno, na adekvatan način, obavijestiti krajnje potrošače da voda nije za piće.

- 3.6 Da se vrši stalna dezinfekcija vode kloriranjem kao i kontrola rezidualnog klora u pitkoj vodi u gradskoj – distributivnoj mreži.
- 3.7 Da se uredno vodi dnevnik rada u koji će se unositi podaci o postupku klorinacije i potrošnje svih kemikalija, da se isti skladišti samo u prostoriji klorne stanice, te da se vrši redovna kontrola uskladištenih kemikalija i osiguraju svi potrebni uvjeti u cilju sprečavanja zagađenja površinskih i podzemnih voda uskladištenim materijama.
- 3.8 Korisnik je dužan vršiti redovitu kontrolu uskladištenih kemikalija i osigurati takve uvjete koji će spriječiti zagađenje površinskih i podzemnih voda uskladištenim materijama, odnosno, osigurati moguće isticanje hlora iz objekata i iz posuda, odgovarajućim tankvanama. Također je dužan osigurati adekvatan apsorber za prikupljanje kemikalija u slučaju incidentnog izlivanja.
- 3.9 U cilju utvrđivanja zone sanitarne zaštite i provođenja mjera zaštite izvorišta «Buget», korisnik vodne dozvole mora poduzeti sve neophodne aktivnosti u cilju provedbe Pravilnika o utvrđivanju uvjeta za određivanje zona sanitarne zaštite i zaštitnih mjera za izvorišta vode za javno vodoopskrbu («Službene novine Federacije BiH», broj 88/12) i Odluku o zaštiti izvorišta za piće „Prusačka vrela“ vodovodnog uskladiti sa navedenim pravilnikom, te se pridržavati svih odredaba spomenutog Pravilnika, donesenog od strane Federalnog ministarstva poljoprivrede, vodoprivrede i šumarstva.
- 3.10 Za vrijeme trajanja ovog rješenja za izgrađene objekte ishoditi upotrebnu dozvolu od nadležne institucije za sve objekte koje su u sustavu predmetnog vodosustava.
4. Ukoliko radom predmetnog objekta dođe do promjene režima voda, a te promjene prouzrokuju štete ma kakvog karaktera, korisnik je dužan uzroke štete otkloniti, a nastale štete nadoknaditi.
5. Korisnik objekata treba da u cilju kontrole, evidencije i plaćanja količina zahvaćene vode vrši kontinuirano mjerenje količina zahvaćene vode i podatke o tim mjeranjima unosi u Knjigu evidencije o količinama zahvaćene vode. Korisnik objekata je obavezan vršiti plaćanje posebne vodne naknade u skladu sa članom 170. stav (1) tačka 1. alineja 1. Zakona o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).
6. Izgrađeni objekt se može koristiti samo u skladu sa njegovom namjenom prema projektnoj dokumentaciji i pribavljenim suglasnostima.
7. U periodu važenja ove dozvole korisnik iste je dužan provoditi sve mjere i aktivnosti propisane ovom dozvolom..
8. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog Rješenja.
9. Ovo Rješenje može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.
10. Prava stečena na osnovu ove vodne dozvole ne mogu se prenositi na treća lica, a ista se mogu izmijeniti u zakonom propisanim slučajevima.
11. Korisnik vodne dozvole je dužan da prije isteka važnosti ove vodne dozvole podnese zahtjev za izdavanje nove vodne dozvole.

## Obrazloženje

JKP "Gradina" doo Donji Vakuf, obratio se je ovoj Agenciji sa zahtjevom za izdavanje Vodne dozvole za zahvaćanje vode na izvoristu «Buget » u cilju obezbjeđenja javne vodoopskrbe pitkom vodom potrošača na području općine Donji Vakuf.

Uz zahtjev dostavljena je sljedeća dokumentacija:

- Ovjerena kopija Aktualnog izvoda iz sudskog registra, broj: 051-0-RegZ-001069 od 28.7.2023 god., izdana od Općinskog suda u Travniku SBK;
- Ovjerena kopija uvjerenja o poreznoj registraciji od 20.03.2014. izdana Kantonalnog poreznog ureda u Novom Travniku;
- Ovjerena kopija Obaviještenja o razvrstavanju pravnog lica prema klasifikaciji djelatnosti broj:07-32.5-68066/13 od 14.08.2013 god.izdana od Službe za statistiku za područje srednjobosanskog kantona Travnik;
- Pravilnik o održavanju, korištenju i osmatranju vodovodnog sistema Donji Vakuf broj:01-06-303/11 od 12.03.2011 god izdan od JKP "Gradina" doo Doni Vakuf;
- Dokaz o uplaćenju upravnoj taksi i Zaključku o posebnim troškovima;
- Dostava informacija o prikupljenoj dokumentaciji izdana od JKP "Gradina" Donji Vakuf od 22.09.2023 god.;
- Izjava u svrhu komplektiranja potrebne dokumentacije na izvoristu Buget za izdavanje vodne dozvole dostavljena od JKP Gradine Donji Vakuf od 22.09.2023 god.
- Izvještaj o ispitivanju vode za piće 3534/23 izdana od Zavoda za javno zdravstvo SBK/KSB Travnik od 14.08.2023 god.
- Elaborat o zaštiti JKP "Gradina" Donji Vakuf Izvorište Buget , broj dokumenta:01-06-297/23 izdata u Zenici 11/2022 god.

Nakon pregleda dostavljene dokumentacije, u skladu sa članom 12. stav 5. Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22), izvršen je obilazak vodozahvata na izvoristu Buget i tom prilikom je sačinjen zapisnik o uviđaju broj: UP-1/21-3-40-354-5/23 od 26.09.2023. u kojem je konstatirano sljedeće:

Izvorište Prusačka vrela nalazi se na teritoriji općine Donji Vakuf u rejonu Prusca-Sastoji se od 3 pojedinačna vrela i to: Buget I, Buget II i Šandrakovo vrelo koja se nalazi u dolini Prusačke rijeke.

Na samim izvoristima Prusačkih vrela, Buget I, Buget II i Šandrakovo vrelo izgrađene su kaptažne građevine . Kaptaže na izvoristima Bugat I i Šandrakovo vrelo su obične/standardne kaptaže, dok kaptaža izgrađena na izvoristu Bugat II ujedno služi i kao sabirna kaptaža i nalazi se na 625 mn.m. . Izvorište Prusačka vrela odnosno Buget I, Buget II i Šandrakovo vrelo ima ukupni kapacitet od 40 l/sec od čega JKP "Gradina" doo zahvata 22-25 m/sec. Sabirna kaptaža izvorišta Buget II sabire vodu sa 3 izvorišta, te se ona odatle gravitaciono transportuje cijevima PVC Ø 315 mm u dužini od 2,5 kilometara i cijevima ACC Ø 315 u dužini od 3,0 kilometara (dovodni cijevovod 2 „Prusac,, do rezervoara u naselju Kutanja na 580 m n.m. .

U Ia zaštitnoj zoni izvorišta površine 4.971,19 m<sup>2</sup> i obujma od 375 m nalazi se kaptaža „Buget 1" iz koje se voda gravitaciono transportira u glavnu sabirnu kaptažu „Buget 2" cjevovodima ACC dužine 64 m, zatim „Šandrakovo vrelo" iz koje se voda gravitaciono transportira u glavnu sabirnu kaptažu izvorišta „Buget2" cjevovodima ACC dužine 96 m, zatim kaptaža „Buget2" koja je ujedno i sabirni bazen iz koje se voda gravitaciono transportira PVC cjevovodom dužine 2,5 km kao i cjevovodom od ACC dužine 3km do vodospremnika „KUTANJA" kapaciteta 600 m<sup>3</sup> odakle se vrši daljna raspodjela vode korisnicima na području općine Donji Vakuf. Ia vodozaštitna zona je ogradaena s betonskim stupovima i bodljikavom žicom. Unutar granica utvrđenog slivnog područja nema zagađivača stalnog karaktera kao što su zanatski i industrijski pogoni. Iznad izvorišta „Prusačka vrela" locirano je naselje Prusac u kojem jedan broj stambenih objekta je izgrađen u blizini izvorišta i nemaju adekvatno

odvođenje odnosno prečišćavanje otpadnih voda što može biti potencijalna opasnost onečišćenja izvorišta.

Izveštaj o mikrobiološkoj analizi vode i Izveštaj o kemijsko-fizičkoj analizi izrađen od Zavoda za javnog zdravstvo SBK/KSB Travnik.

Projektna dokumentacija kao i izdane suglasnosti koje se odnose na ukupnu vodoopskrbu s izvorišta „Prusačka vrela“ su uništena u periodu 1992-1995 god.

Za izvorište Prusačka vrela donesena je Odluku o zaštiti izvorišta za piće „Prusačka vrela“ vodovodnog sistema Donji Vakuf donesena od strane Općinskog vijeća Donji Vakuf.

Točkom 5. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Podnosilac zahtjeva JKP „Gradina“ doo Donji Vakuf je dužan da u skladu sa člankom 44. Zakona o geološkim istraživanjima Federacije BiH („Službene novine Federacije BiH“ broj 9/10 i 14/10) izradi i dostavi na reviziju Federalnom ministarstvu energije, rudarstva i industrije elaborat o klasifikaciji, kategorizaciji i proračunu rezervi podzemnih voda u istražnom, odnosno eksploatacijskom polju.

Na osnovu provedenog postupka, a prema članku 17. stav 1. i 2. Zakona o vodama, u svrhu ostvarivanja prava na vodu drugim korisnicima kao i održivog korištenja voda, korisniku objekata JKP „Gradina“ doo Donji Vakuf ovom su vodnom dozvolom, u točki 3. dispozitiva rješenja, propisani uslovi korištenja objekata. Podnosilac zahtjeva, kao korisnik objekata obavezan je pridržavati se navedenih uslova, u skladu sa članovima 48., 64. i 66., 116. Zakona o vodama i članovima 13. i 14. Pravilnika o sadržaju, obliku i uvjetima i načinu izdavanja i čuvanja vodnih akata. Konstatira se da je podnosilac zahtjeva JKP „Gradina“ doo Donji Vakuf ispunio minimum uvjeta za izdavanje vodne dozvole za zahvat vode u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema, na području dijela općine Donji Vakuf, te je riješeno kao u dispozitivu ovog rješenja.

### **Pouka o pravnom lijeku**

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja. Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Marko Barić, dipl.ing.grad.

Po ovlaštenju  
Rukovodilac Sektora za izdavanje vodnih akata,  
Ališehović Haris, dipl.inž.grad.



Dostaviti:

- 770 sl.br.brigada br.15 70220 Donji Vakuf
- AVP-ISV-Vodna knjiga
- Sektor 50
- ⊖ Sektor 40, arhiva
- Oglasna ploča AVP SAVA